

Cada estudiante Arubiano na Curaçao a ricibi un beca di 2 mil florin

ORANJESTAD- Aña pasa e Minister di Enseñansa Michelle Hooyboer-Winklaar a bishita studentenan Arubiano na Curaçao.

Durante e bishita e studentenan a splica e mandatario cu ya pa algun aña e suma di Arubalening cu nan ta ricibi no semper tabata suficiente pa cubri tur gasto cu nan tin.

E minister encarga cu Enseñansa a logra aumenta e suma di Arubalening pa studentenan studiando den region for di maximal Afl. 84,000 pa Afl 104,000 pa crea mas espacio pa esunnan cu mester di mas prestamo pa studia den region cu ta dreठा na vigor aña academico nobo 2015-

2016.

Na comienso di aña academico aki a presenta un aumento di collegeld repentino di 1 mil florin cu e studentenan a wordo confronta cun'e. Mirando cu e decision di Universidad di Curaçao a wordo tuma y publica hopi laat a haci imposibel pa Departamento di Enseñansa por a anticipa riba e cambionan aki pa por adapta e sumanan den fianza di estudio.

Via di fondonan procedente di Hulanda cu ta aloca pa becanan, Minister Hooyboer-Winklaar a haci un peticion pa aplica e becanan aki pa studentenan cu Arubalening na Curaçao. "E proceso a tuma su tempo pero mi ta

sumamente contento cu cada estudiante cu ta depende riba Arubalening studiando na Curaçao a ricibi un beurs no solamente e 1 mil florin adicional pa cubri e aumento di

collegeld, pero banda di esey, un extra 1 mil florin cu lo por yuda e estudiante crea un tiki espacio den su situacion financiero. E echo cu esaki ta un beca y no prestamo tambe

ta un bentaha pa e estudiante." e mandatario a bisa. Actualmente ta den e proceso pa administra mes cos pa esunnan studiando na Universidad di Aruba. □